

Космосда намоз ўқиган мусулмон космонавт



13:00 / 17.12.2021 2991

Намоз дунёдаги барча мусулмонлар учун фарз, яъни бажарилиши шарт бўлган ибодат бўлиб, ҳатто ушбу ибодатни мусулмон космонавт шайх Мусзафар коинотда ҳам адо этишни таклиф қилди!

Дарҳақиқат, намоз балоғатга етган ҳар-бир мусулмон учун фарзи айнди. Ҳар ким ўзи учун намоз ўқимоғи фарздир. Ким намозни инкор қилса, Исломдан чиқиб, кофир бўлади.

Шунингдек, намоз банданинг Аллоҳ билан боғланиш воситасидир. Унда банда Аллоҳ билан ёлғиз қолиб, У зотга муножот қилади, барча дардларини тўкиб солиб, руҳий, маънавий лаззат олади.

Бу дунёда ҳаёт кечираётган одамнинг ўзига яраша дарди ҳасратлари бўлади. Уларни бошқа одамларга айтса, ёрдам олса бўлмаслиги мумкин,

қолаверса, улар сирини бошқаларга фoш қилиб, дард устига чипқон бўлишади. Дарду ҳасратни Аллоҳ таолога айтилганда эса, У зот ёрдам беради ва сирни фoш қилмайди. Энг ози банда дардини тўкиб солиб ҳузур қилади.

Намоз ўқиш билан банда ўзининг барча ишларини Аллоҳ таолога топширади. Банда ўз намози ила ўзига омонлик, хотиржамлик ва нажот тилайди.

Намоз ютуқлар ва нажот йўлидир.

Намоз хато ва гуноҳларни ювишнинг энг ишончли йўлидир.

Намоз доимо ўз эгасига кўплаб шахсий фойдалар келтиради.

Намоз намозхонни Аллоҳга яқин қилади, унинг иродасини мустаҳкамлайди. Фақат Аллоҳдангина иззат талаб қилишга ўргатади.

Малайзиялик мусулмон космонавт шайх Мусзафар Шукор Халқаро космик станциянинг 16 объективи бортидаги экипаж аъзоларидан биридир. Доктор Мусзафар: «Намоз фарздир ва менинг зиммамдаги қилиниши керак бўлган амалдир, мен ҳатто коинотда ҳам рўза тутишни хоҳлайман», дейди.

«Ҳар сафар ерни кўрганимда Аллоҳнинг яратганидан ҳайратда қоламан»!, дея қўшимча қилди у.

Таъкидлаш керакки, у коинотга саёҳат қилган биринчи мусулмон эмас, ундан олдин ҳам кўплаб мусулмонлар космосга саёҳат қилишган. Ҳисоб бўйича қаҳрамонимиз сайёрада космосга ташриф буюрган тўққизинчи мусулмон экан. У умри давомида ҳеч қачон намоз ибодатига бефарқ бўлмаган барча бандалар учун ажойиб намунадир. Унинг учун дунёдаги энг муҳим вазифа намоз ибодатини вақтида адо этишдир. Субҳаналлоҳ!

Космосда намоз ўқиш мумкинми?

Бу саволларга жавоб ҳа!

Шайх Мусзафарнинг айтишича, Ислom уламолари коинотда намоз ўқиш учун маҳаллий вақтдан (Малайзия вақти билан) фойдаланишни маслаҳат берганлар ва намоз ибодати муҳим эканлигини ҳамда уни ҳар қандай ҳолатда ҳам имкони борича ўтказиб юбормаслик кераклигини тасдиқладилар.

Хуршид Маъруф тайёрлади